

ÁKVÖRDUN SAMEIGINLEGU EES-NEFNDARINNAR
nr. 42/2025

2025/EES/30/42

frá 20. febrúar 2025

um breytingu á IX. viðauka (Fjármálaþjónusta) við EES-samninginn

SAMEIGINLEGA EES-NEFNDIN HEFUR,

með vísan til samningsins um Evrópska efnahagssvæðið („EES-samningurinn“), einkum 98. gr.,

og að teknu tilliti til eftirfarandi:

- 1) Fella ber inn í EES-samninginn reglugerð Evrópuþingsins og ráðsins (ESB) 2023/1113 frá 31. maí 2023 um upplýsingar sem fylgja skulu við millifærslu fjármuna og tiltekinna sýndareigna og um breytingu á tilskipun (ESB) 2015/849 ⁽¹⁾.
- 2) Reglugerð (ESB) 2023/1113 fellir niður reglugerð Evrópuþingsins og ráðsins (ESB) 2015/847 ⁽²⁾, sem hefur verið tekin upp í EES-samninginn og ber því að fella hana brott samkvæmt EES-samningnum.
- 3) IX. viðauki við EES-samninginn breytist því í samræmi við það,

SAMÞYKKT ÁKVÖRDUN ÞESSA:

1. gr.

IX. viðauka við EES-samninginn er breytt sem hér segir:

1. Eftirfarandi undirlið er bætt við lið 23b (tilskipun Evrópuþingsins og ráðsins (ESB) 2015/849):

„– **32023 R 1113:** Reglugerð Evrópuþingsins og ráðsins (ESB) 2023/1113 (Stjtið. ESB L 150, 9.6.2023, bls. 1).“

2. Eftirfarandi kemur í stað texta liðar 23ba (reglugerð Evrópuþingsins og ráðsins (ESB) 2015/847):

„**32023 R 1113:** Reglugerð Evrópuþingsins og ráðsins (ESB) 2023/1113 frá 31. maí 2023 um upplýsingar sem fylgja skulu við millifærslu fjármuna og tiltekinna sýndareigna og um breytingu á tilskipun (ESB) 2015/849 (Stjtið. ESB L 150, 9.6.2023, bls. 1).

Ákvæði reglugerðarinnar skulu, að því er samning þennan varðar, aðlöguð sem hér segir:

Í 23. gr., að því er varðar EFTA-ríkin, orðast „takmarkandi ráðstafana Sambandsins og einstakra landa“ sem „takmarkandi ráðstafana einstakra landa“.

2. gr.

Texti reglugerðar (ESB) 2023/1113, sem verður birtur í EES-viðbæti við *Stjórnartíðindi Evrópusambandsins*, er gildur á íslensku og norsku.

3. gr.

Ákvörðun þessi öðlast gildi 21. febrúar 2025, að því tilskildu að allar tilkynningar samkvæmt 1. mgr. 103. gr. samningsins hafi farið fram (*), eða á gildistökudegi ákvörðunar sameiginlegu EES-nefndarinnar nr. 41/2025 frá 20. febrúar 2025 ⁽³⁾, eftir því hvor dagsetningin er síðar.

⁽¹⁾ Stjtið. ESB L 150, 9.6.2023, bls. 1.

⁽²⁾ Stjtið. ESB L 141, 5.6.2015, bls. 1.

^(*) Stjórnskipuleg skilyrði gefin til kynna.

⁽³⁾ Stjtið. ESB L, 2025/765, 8.5.2025 og EES-viðbætur nr. 30, 8.5.2025, bls. 69.

4. gr.

Ákvörðun þessi skal birt í EES-deild *Stjórnartíðinda Evrópusambandsins* og EES-viðbæti við þau.

Gjört í Brussel 20. febrúar 2025.

Fyrir hönd sameiginlegu EES-nefndarinnar

Nicolas von Lingen

formaður.